


Warmakunapaq Chuya Qellqa

Runapa
ñakariynin
qallarisqanmanta



Kaytam qellqaykamurqa: Edward Hughes
Dibujonkunatam ruwaykamurqa: Byron Unger; Lazarus;
Alastair P.

Warmakunapaq hinam tupaykachimurqa:
M. Maillot; Tammy S.

Siminchikmanmi tikraykamurqa: Hugo Garay Aucpuella
Qamkunamanmi chayaykachimusunkichik:
Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.

Autorizasqam kankichik kay yachachikuykunata
mirachispa hukkunaman chayachinaykichikpaq, ichaqa
manam imaraykupas rantikuwaqchikchu.




IDIOSMI TUKUY IMATA

UNANCHARQA! Runata utaq Adanta
Dios unanchaykuptinmi warmin Evawan
Edén suti yuq huertapi yacharqaku.

Ancha kusion qam kawsakurqaku Diosta
tukuy imapi kasukuspanku
chaynataq Dioswan huklla kaspanku.



Huk punchawmi
runata supay
pantarachirqa


...





Warmitam
maqta uru nirqa:
Chaynaqa ¿Dioschu
nirusunkichik huertapi
llapa sachakunapa rurunta
mana mikunaykichikpaq?
Nispa. Hinaptinmi
warmiñataq nirqa:
Huertapi sachakunapa
ruruntaqa mikuymankum.





Huertapa
chawpinpi
kaq sachapa
rurunmantam ichaqa
Dios niwarqaku: "Amam
mikunkichikchu nitaqmi
llapchankichikpaschu,
mana chayqa
wañurunkichikmi"
nispa.





Hinaptinmi supay
nirqa: "Manam
wañunkichikchu,
aswanqa Dios hinam
rikurirunkichik," nispan.
Chaymi Evaqa chay sachapa
rurun mikuykuyta anchata
munarurqa. Hinaspanmi
supaypa nisqanta
kasmuspan chay sachapa
rurunta mikururqa.



Diospa kamachisqanta mana kasukuspanmi Eva mikururqa, hinaspanmi qosanmanpas mikunanpaq chay ruruta qoykurqa. Adanqa atinmanmi karqa: "iManam mikuymanchu!

Diospa kamachikuynintaqa manam pakiruymanchu" niyta. Ichaqa paypas mikururqam.






Huchaman

Adanwan Eva wichiypankum,
qalalla kasqnkuta chayraq cuentata qokururqaku,
chaymi higospa rapinkunamanta mandilta
hina siraruspanku tapakurqaku, hinaspankum
Diosmanta llapa sachá ukupi pakakurqaku.



Chay tardeykuytam huertaman Dios hamururqa. Payqa yacharqañam Adanwan Evapa huchaman wichiycusqankutaqa. Adanmi ichaqa mana reqsikuspan Evaman huchanta tumparqa, Evañataqmi maqta uruman tumparqa. Hinaptinmi maqta uruta ñakaspán warmita Tayta Dios nirqa: kunanmantam wawaykikunata hatun nanaywan wachakunki, nispan.




Qaritapas nirqataqmi: "Adán,
huchaman wichisqaykiraykum kay
pacha ñakasqa, sasachakuytawan
ñakariyllatam rurupusunki.
Mikunaykipaqpas pisipaywan
llamkaspam, chaynataq
sudoqnikita chaqchuspam
tarinki," nispan.



Chaynata nispanmi

Adantawan Evata
chay sumaq huertamanta
qarqoramurqa, huchankum
paykunata chayman aparurqa.
Chaynatam kawsay
qoqninku Dios
Taytankumanta
wiñaypaq
rakikururqaku.






Mana kutiykuyta atinankupaqmi,

linwarichkaq
espadata huertapa punkunpi

Dios churarurqa. Diosmi qaramanta
pachakunata ruwaykuspan
Adantawan Evata pachaykachirqa.
¿Maymantataq qarakuanta
chaypaq
hurqoramurqa?



Tiempopa risqanman hinam, Adanwan Eva mirayta
qallaykurqaku. Punta kaq wawankupa sutinmi karqa
Caín, payqa allpa tarpuqmi karqa. Iskay kaqpa
sutinñataqmi karqa Abel,
payqa ovejakunata
uywaqmi karqa. cc




Huk punchawmi, tarpusqan kawsaykunamanta
Diosman ofrendata qonanpaq Caín aparamurqa.
Abelpas piwin ovejankunamantam wiran kaqta

Diosman ofrecenanpaq aparamurqa.
Chaymi Abelpa ofrendanta
Tayta Dios
chaskiykurqa.



Cainpa ofrendantam ichaqa mana
chaskirqachu, chaymi Caínqa
llumpayta piñakururqa. Hinaptinmi
Dios nirqa: ¿Imanasqataq
piñakurunki, Allinta ruwaspaqa
¿manachum chaskisqa kawaq?
nispan.




Cainmi ichaqa piñakuyninta
hina waqaycharqa.

Punchawkuna pasaruptinmi,
chunniqman pusaruspan Abelta
maqachkaspalla wañurachirqa.




Hinaptinmi Cainta Tayta Dios tapurqa: ¿Maytaq wawqeki Abel? nispa. Chaymi Cainñataq kutipakuspan nirqa: Maypiya kakunpas. ¿Wawqeypa cuidaqninchu karqani? nispan.

Chaymi Cainta castigaspan chakra llamkasqanmanta Tayta Dios qarqorurqa, hinaspanmi llutanpi purinanpaq ñakaykurqa.



Cainmi Tayta Diospa qayllanmanta pasaspan Nod
lawpi yacharqa, hinaspanmi hukkaqnin panillanwan
casarakuruspan mirayta qallaykurqa.


Watakunapa risqanman hinam,
Cainpa churinkunawan willkankuna
miraruspanku



hatarichisqan
llaqtaman
huntaykurqaku.



Watakunapa risqanman hinam,
Cainpa churinkunawan willakankuna
miraruspanku hatarichisqan
llaqtaman huntaykurqaku.




Adanpawan Evapa wawa-churinkunam
chaylla mirayta qallaykurqaku. Chay
tiempokunapi runakunaga, kunan
tiempokunapi runakunamantaqa, aswan
unay watakunatam kawsarqaku.




Setwan sutichasqan wawan naceruptinmi Eva nirqa:
"Diosmi kay wawata Abelpa rantinpi qoykuwan" nispa.
Setqa isqon pachak chunka iskayniyuq
watanpiñam wañukurqa (912 años),
mirayninkunapas achkallañam karqa.



kay pachapi mirasqankuman hinam llapa
runakuna pasaypaq millakuypaq
huchakunaman qokururqaku.
Chayraykum kay pachamanta
runakuna chinkarachiyta
Dios Tanteaururqa.



Paykunapa huchanmantam mana huchayuq
animalkunawan urpikunapas chinkachisqa
karqa. Tayta Diosmi runata
unanchasqantapas ñakakurqa.
Chulla runallam Diospa
munasqanpaq hina
kawsarqa.



Chay runapam sutin Noé.
Payqa karqa Setpa mirayninmi.
Noéqa karqa Tayta Diospa
munasqanman hina allinta
kawsakuq runam.



Kimsan churinkunatapas Tayta Dios
kasukuytam yachachirqa. iPaytam
Tayta Dios akllaykurqa kay pachata
runakunawan kaqmanta
huntarichinanpaq!



Runapa ñakariynin qallarisqanmanta

Kay willakuyqa Diospa siminpa utaq Chuya
Qellqapa partenmi

Kay willakuymi tarikun

Genesispa kimsa kaq rakinmanta
soqta kaq rakinkama

"Simikimanta yachachikuykunaga achkirinmi."
Salmo pachak chunka isqonniyuq rakinpa pachak
kimsachunkan patachaynin






Tukupaynin



2



60



Kay willakuymi tukuy atiyuniyuq Dioninchikmanta rimapayawanchik,
payqa unanchaqninchikmi, chayraykum reqsiykunaykita munan.

Diosqa yachanmi mana allinkunata ruwaq kasqanchikta, chaykunatam
hucha nispa sutichan. Huchapa pagonqa wañuymi, chaywanpas Diosmi
anchata kuyasusqaykirayku sapallan churin Jesusta kachamurqa, paymi
huchaykimanta castigasqa kaspan cruzpi chakatasqa wañurqa.
Chaymantam, wañusqanmanta kawsariramuspan hanaq pacha wasinman
kutirqa. Sichum Jesuspi iñikuspa huchaykikunata pampachaykunapaq
mañakunki hinaptinga pampachaykunqam, hinaspanmi qampiña
kawsakunqa, qampas paypiñataqmi wiñaypaq kawsakunki.

Sichum chay cheqap kasqanta iñinki hinaspaqa, Diostayá kaynata
mañakuy: Ancha kuyakuq Jesús, iñinim qamqa Dios kasqaykita,
huchaykunarayku wañunaykipaqmi runayaykurqanki, chaywanpas
kunanga kawsachkankim. Mañakuykim sonqoyman yaykuykuspa
huchaykunata pampachaykunaykipaq, chaynapi musoq kawsayniyuqña
kaspay qanwan huk punchaw wiñaypaq kawsakunaypaq. Qampa churiki
hina kawsaspay simikita kasukunaypaq yanapaykuway. Amén.

Chuya Qellqata qawaspaykiyá Dioswan sapa
punchaw parlay. Juan 3:16

